

漁洋山人精華錄

一

蘇子卿

好學

PDG

萬曆庚戌之歲偕余舉南宮者關西文太青新城王季
木竟陵鍾伯敬皆雄駿君子掉鞅詞壇太青博而與季
木膽而肆踔厲風發大放厥詞太青贈季木曰元美吾
兼愛空同爾獨師蓋其宗法如此而伯敬以幽閒隱秀
之致標致詩歸竄易時人之耳目迄於今輟材諷說簞
弄研削莫不援引鍾譚與王李徐袁分茅設蕝而關西
新城之集孤行秦齊間江表之士莫有過而問者三子
之才力伯仲之間耳而身後之名飛沈迴絕殆亦有幸
不幸焉千秋萬歲古人所以深歎於寂寞也季木歿三
十餘年從孫貽上復以詩名鵲起閩人林古度論次其
集推季木為先河謂家學門風淵源有自新城之壇墀

大振於聲銷灰燼之餘而竟陵之光燄燿矣余蓋為之
撫卷太息知文苑之乘除有劫運參錯其間殆亦可以
觀天咫也嗟乎詩道淪胥浮偽並作其大端有二學古
而贗者影掠滄溟弇山之賸語尺寸比擬此屈步之蟲
尋條失枝者也師心而妄者懲創品彙詩歸之流弊眩
運掉舉此牛羊之眼但見方隅者也之二人者其持論
區以別矣不知古學之繇來而勇於自是輕於侮昔則
亦同歸於狂易而已貽上之詩文繁理富銜華佩實感
時之作惻愴於杜陵緣情之什纏綿於義山其談藝四
言曰典曰遠曰諧曰則沿波討源平原之遺則也截斷
衆流杼山之微言也別裁偽體轉益多師草堂之金丹

大藥也平心易氣耽思旁訊深知古學之繇來而於前
二人者之為皆能汰其癥結祓除其嘈囂思深我小
雅之復作也微斯人其誰與歸貽上以余為孤竹之老
馬過而問道于余余遂趣舉其質言以為叙往余嘗與
太青季水論文東闕下勸其追溯古學毋沿洄於今學
而不知返太青喟然謂季水曰虞山之言是也顧我老
不能用耳今二子墓水已拱聲塵蔑如余八十昏忘值
貽上代興之日向之鏃礪知已用古學勸勉者今得於
身親見之豈不有厚幸哉書之以慶余大遭也虞山蒙
叟錢謙益序

古詩一首贈王貽上

士禎

謙益

風輪持大地擊颺為風謠吹萬肇邃古賡歌暢唐姚
朱絃汜漢魏麗藻沿六朝有唐盛詞賦貞符彙元包
百靈聽驅使萬象窮鏤雕千燈咸一光異曲皆同調
彼哉譏諷者穿穴紛科條初盛別中晚畫地成狴牢
妙悟掠影響指注闕釐毫甕天醯雞覆井月癡猿號
化為劣詩魔飛精入府焦窮老蔽蔕屋不得瞻沈寥
正始日以遠詞苑襍莠苗獻吉才雄驚學杜舖醕糟
仲默俊逸人放言訾謝陶考辭竟嘈囀懷響歸浮漂
江河久雍決唇滴亦騰蹏么絃取偏張苦調搜啁噍
鳥空而鼠即厥咎為詩詆喪亂亦云撫詩病不可瘳
譬彼膏肓疾傳染非一朝嗚呼杜與韓萬古垂斗杓

北征南山詩泰華爭岌堯流傳到於今不得免傲朝
况乃唐後人啜點誰能跳窮子抵尺璧凍人裂復陶
熠燿點須彌可為渠畧標昌黎笑羣兒少陵訶汝曹
嗟我老無力掩耳任叫呌王君起東海七葉光漢貂
騏驎奮蹴踏萬馬喑不驕識字函雅故審樂辨蕭韶
落紙為歌詩絳雲卷青霄自顧骨骼馬創殘卧東郊
敢云老識路昏忘慙招邀河源出星海東流日滔滔
誰蹠巨靈掌一手堙崩濤古學喪根幹流俗沸蟾蜍
偽體不別裁何以親風騷珠林既深深玉河復迢迢
方當剪榛楛未可榮蘭茝瓦釜正雷鳴君其信所操
勿以獨角麟嬖彼萬牛毛伊余久歸佛繙經守僧寮

帳觸為此詩狂言放調刁無乃禪病發放筆自抑搔
起挑常明燈懺除坐寒宵

懷柔山王戴笠像

鮑氏同野升



方已厚所植虛以冥其迹
納衆派而洪纖不遺冠羣
言而聚精成浹身著朝衫
頭戴笠孟縣眉山共標格
三百丰來無此客

宛陵梅庚

漁洋山人精華錄總目

門人候官林佶編

卷一

古體詩

卷二

古體詩

卷三

古體詩

卷四

古體詩

卷五

今體詩

卷六

今體詩

卷七

今體詩

卷八

今體詩

卷九

今體詩

卷十

今體詩

漁洋山人精華錄卷一

門人侯官林佶編

古體詩

對酒

對酒歌慨慷自我屬有生共得睹太平皇帝陛下惟樂
康官府治丞相無私人諸諫官彈射姦慝咸有直聲自
中丞刺史良二千石各各有廉名日南交趾皆我郡縣
蠻夷君長以時稽首殿庭屬國具為令文笥生翠來王
京幸太學三老而五更遂賜民爵一級存問長老遣都
吏循行大酺十日除宮刑美人曼壽百室豐盈

慕容垂歌

三解

慕容初入鄴已有虎狼志前驅丁零部後面鮮卑騎

燕燕尾涎涎飛飛啄塘蒲三原隔五峻緩急當奈何
慕容在何許已度涼馬臺饑鷹掣韝絛一逝不復歸

白紵詞三首

江南煙水多白鳬羣飛啞啞烟際呼美人窈窕為君娛
蜀羅吳縠曳華裾修眉星妍且都明鏜遙映丹脣朱
清歌錯落大小珠折腰流盼意態殊乍進欲退心躊躇
芙蓉灼灼迴雙趺仙珮丁丁鳴六銖燭殘月暗漏滴壺
宛轉為君開繡襦

青春遙夜開華堂綺羅絃管東西廂阿誰公子淮南王
美人家本邯鄲倡合蟬墮馬耀明粧起舞為君陳樂方
翠曾參差烟際翔鸞驚龍婉相頡頏西城北里各擅場

羅襖文巾紛御香明眸善睐含流光舞罷雲中孤月涼
若耶溪水勝瀟湘越川佚女春浣香織成白紵冰雪光
上為舞衣下舞裳大秦珍珠明月璫崑山玉撥映金梁
齊琴趙瑟聲鏘鏘七聲妙舞紛相當須臾璧月沉西方
汝南鳴雞啼曉霜今我不樂去日長裴回念此摧中腸
翡翠幄陳高堂請君安坐樂未央

擬美女篇

洛濱風日好美女出相望瑤象飾香轂玉軼鳴鏘鏘采
春蘭阪上弭蓋蘼皋傍龍輔節纖步鶯珠結明璫借問
女誰氏少小生平陽大姊入後宮次姊瑯琊王小妹雖
不貴夫婿直東箱出入冠駸駸天子侍中郎檻衣萬錦

費驥裒千金裝容華誠自惜貴盛寧易詳洛水正微波
明瀾一何長川路西南永扁舟不可方寄語盛年子顧
義慎自防

擬白馬篇

駿馬生代北少年出幽并結束各光采拍顧風雲生朝
遊屬玉觀夕宿衛承明身逐孤兒隊名隸羽林兵行行
南山獵意氣何縱橫蒼隼決雲來飛矢逆風鳴大澤鷗
鵠邁深雪狐兔驚迴瞻鸛雀門突兀與雲平鞍馬倏來
歸勢若浮烟輕昨夜羽書至貳師出邊庭上馬別妻子
鳴鏑追前旌舊隨冠軍伍復此河源行大漠少行人深
谷多鼙鼓朝飲沙上泉夕戍雲間城左顧疏勒服右睎

伊吾清無令都護將關外獨聲名

自石橋尋黛溪遂至摩訶峯下

日落山氣涼清流自迴轉窮源不知勞漸忘溪路遠幽石各奔峭修樹亦婉孌遙睇徑難測迴矚途屢變竄歷衆山響蕭條晚風善微徑暮樵出懸崖歸鳥見須臾夕霏收殘陽四山徧新月忽清揚餘霞自舒卷稍覺葛衣輕幸藉孤筇健平生丘壑人茲言庶能踐

由柳菴踰西山最高頂至醴泉寺拜范祠

清境難久留申旦戒徒御引領睇前峯抗策辭東路數武即嶇嶇危蹊少安步顧盼見百里雲日媚烟樹憑高俯澄湖風帆競孤鷺晴旭移峯巔明晦變已屢褰衣入

空翠溪流渺南注，參疎曠遊眺蒼茫。失昏曙東山清風，
來西澗涼雨度澄潭。益蕭瑟游鱗紛散聚，前賢跡已遠。
山川緬猶故風，昔思古人三歎讀書處。

醴泉謁誌公像觀唐碑

碑開元三年乙卯立

早讀神僧傳，緬希誌公迹。劍水蹤已遙，鍾山事成昔。豈
知常白峯，留此千年石。鳥爪帶銅綠，鏡面瑩蘚碧。磨滅
開元碑，蟲鳥紛難譯。披蘿究遺文，剥苔理殘畫。斷闕發
聞見，樵牧增歎惜。陸銘圯寒冢，王碑委荒僻。廬陵傲珠
犀，東武比博奕。淪棄多名珍，何憚窮鉤索。一勺醴泉水，
供此風雨夕。

神僧傳誌公面瑩徹如鏡，手足皆鳥爪。碑有云：陸儵製銘于冢內，王筠勒碑于寺門，皆與傳合。

醴泉寺高閣瞻眺有懷范文正公